



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-11-2590-2/20 BT
Sarajevo, 26.02.2020.godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05) i člana 51. Pravilnika o unutrašnjoj organizaciji Ministarstva saobraćaja Kantona Sarajevo broj: 04-34-39863/19 od 15.01.2020. godine, te Zapisnika Komisije od 25.02.2020. godine, ministar saobraćaja d o n o s i:

O D L U K U
o poništenju javnog poziva

I

Poništava se javni poziv „Davanje u zakup prava korištenja reklamnih površina na tramvajskim stajalištima na području Kantona Sarajevo“, objavljen na web stranici Ministarstva dana 04.02.2020.godine, iz razloga što nijedna zaprimljena ponuda nije prihvatljiva.

II

Ova odluka će biti objavljena na web stranici Ministarstva, te dostavljena ponuđačima koji su dostavili ponude na objavljeni javni poziv.

III

Ova odluka stupa na snagu danom donošenja.

Obrazloženje

Ministarstvo saobraćaja Kantona Sarajevo je dana 04.02.2020. godine objavilo na we stranici javni poziv za „Davanje u zakup prava korištenja reklamnih površina na tramvajskim stajalištima na području Kantona Sarajevo“. U naznačenom krajnjem roku za dostavu ponuda, pristigle su dvije ponude ponuđača MAX Media d.o.o. i MN Media Company.

Komisija je dana 25.02.2020. godine sačinila zapisnik o pregledu ponuda te utvrdila da je ponuda ponuđača MN Media Company u iznosu od 21.705,00 KM ispod minimalno postavljene u dokumentaciji Ugovornog organa, a koji iznos je na godišnjem nivo 139.984,40 KM. Shodno navedenom Komisija je istu ocijenila kao neprihvatljivu te nije pristupila daljem pregledu ponude ponuđača MN Media Company.

Nadalje, obzirom da je ponuđač MAX Media d.o.o. ponudio cijenu u skladu sa uslovima ugovornog organa u iznosu od 156.220,06 KM na godišnjem nivou, Komisija je pristupila ocjeni ponude te utvrdila da isti ne ispunjava uslove u smislu formalno pravne ispravnosti iz razloga što u ponudi nije dostavljena tražena dokumentacija. Ugovorni organ je u dokumentaciji za javni poziv propisao da su ponuđači dužni u ponudi



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



dostaviti Obavještenje o razvrstavanju pravnog lica prema klasifikaciji djelatnosti nadležnog organa za pravna lica, a što ponuđač Max Media nije dostavio, te Izvještaj Centralne banke BiH o računima poslovnog subjekta ovjeren od strane Centralne banke BiH i potvrdu od svih poslovnih banaka kod kojih ponuđač ima otvorene račune da u posljednjih 12 (dvanaest) mjeseci prije prijave na javno nadmetanje računi nisu bili u blokadi.


Naime, ponuđač je na strani 32. ponude dostavio Izvještaj na kojem je naznačeno da isti ima otvorene aktivne račune od kojih su tri računa aktivna u Sberbank d.d. Sarajevo, a na strani 39. ponude potvrdu Sberbank d.d. Sarajevo od 12.02.2020. godine za jedan aktivan račun.

Shodno navedenom Komisija je utvrdila da ponuđač MAX Media d.o.o. nije dostavio potvrdu za otvorene račune kako je traženo dokumentacijom, kao niti obavještenje o razvrstavanju pravnog lica prema klasifikaciji djelatnosti, te s tim u vezi ocijenila da je ponuda navedenog ponuđača neprihvatljiva.

U skladu sa navedenim prihvaćena je preporuka Komisije za poništenje javnog poziva, na osnovu koje je odlučeno kao u tački 1. Odluke.

Dostavljeno:

- Max Media d.o.o. Sarajevo
Ul. Branilaca Šipa do br.12, Sarajevo
- MN Media Company Sarajevo
Ul. Glođina br.1, Sarajevo
- Evidencija
- a/a



MINISTAR

Adnan Šteta



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

